

大准提陀羅尼法

中華民國十九年五月初板



(大)

(准)

(提)

(獨)

(部)

(法)

(同)

(本)

(二)

(經)

震旦密教重興會刊

七佛俱胝佛母心大准提陀羅尼法

獨部別行

唐善無畏奉

詔譯

イ那ハ麼ハ颯ハ哆ハ喃聲去ハ三ハ烈ハ藐ハ三ハ勃
ヲ陀ハ俱ハ胝ハ喃聲去ハ但ハ姪也合二ハ他ハ唵
ハ折ハ戾ハ主ハ戾ハ准ハ提ハ娑縛合二ハ訶
總攝二十五部大曼荼羅尼印。以二手無名指
小指相叉於內。二中指直豎相拄。二頭指屈
，附二中指第一節。二母指捻左右手無名指
中節。若有召請。二頭指來去。佛言。此

咒印能滅十惡五逆一切重罪。成就一切白法。具戒清潔。速得菩提。若在家家人，縱不斷酒肉妻子。但依我法，無不成就。佛言。若求成就。先依壇法。不同諸部廣修供養。掘地香泥塗之所建立。以一面淨鏡未曾用者，於佛像前，月十五日夜，隨力供養。燒安悉香，及清淨水。先當靜心。無所思惟。然後結印誦咒。咒鏡一百八遍。以囊匣盛鏡。常得將隨身。後欲念誦，但以此鏡置於面前。結印誦咒。依鏡爲壇。卽得成就。佛言。

。欲持此咒。於十五日夜，清淨澡浴。著新淨衣。面向東方。半跏正坐。置鏡在前。隨有香華清淨水諸物。先當靜心絕思。然後結印印於心上。誦此咒一百八遍。誦此咒時。能使短命衆生。還得增壽。加摩羅疾，尙得除差；何況餘病。若不消差，無有是處。佛言。若人一心靜思。誦滿二十萬遍，四十萬遍。世出世法。無不稱遂。佛言。若在家家人平旦清水漱口。未輦血時。面向東方。對鏡結印誦咒一百八遍。如是不斷，四

十九日。有吉祥事。准提菩薩令二聖者常隨其人。心有所念，皆於耳邊一一具說。佛言。短命多病衆生。月十五日夜，燒安悉香誦咒結印一百八遍。魔鬼，失心，野狐，惡病，皆於鏡中現其本身，殺放隨意。更不再來。增壽無量。佛言。若人無福德相。求官不遷。對鏡常誦此咒。福德官當能稱遂。佛言。若人欲有所作。先當思惟准提聖者。正念此咒。具滿七遍。端身。少頃，其身自然搖動。卽知能遂，及以吉慶。若身剛強

向前向後。卽知不遂。必有災難。佛言。

欲知此法成不成，依法誦咒。具滿七日。便

於夢中見佛菩薩及以華菓。口吐黑物。後喫

白物。卽知成就。

佛言。此陀羅尼有大勢

力。至心誦持，必當自證。能令枯樹生華；

何況世間果報。若常誦持，水火刀兵，怨家

毒藥，皆不能害。若卒爲鬼神傷死。結印誦

咒七遍。以印印心，皆令却活。舍宅不安，

鬼神作禍，咒土四塊鎮之。卽去。佛言。若

人六親不和。不相愛念。依法誦咒，所向和

合。聞名見身，皆生歡喜。凡所求無不遂心。況能結齋，具戒。一心清淨，依法誦持。不轉此身。卽證菩提。有大功力。佛言。若人欲長生。於古塔及深山中，或淨房內，依鏡爲壇。具滿二四六十萬遍。青蓮花和安悉香燒。於睡夢中，夢食仙藥。或授仙方。或於鏡中有五色光。光中有藥。隨意取食。卽得長生。佛言。若依法誦持。一心精勤。功力說不可盡。此壇鏡，法不得人見。若見，卽不好不成。畢，須密之。此法不可說。

。自當證知。隨意所求，速得成就。受勝妙樂。

七佛俱胝佛母心大準提陀羅尼法



七俱胝獨部法

三藏沙門無畏譯

總攝二十五部大曼荼羅印。以二手無名指小
指相叉於內。二中指直豎相拄。二頭指附二
中指第一節。二大母指捻左右手無名指中節
。若有召請。二頭指來去。佛言。此咒及
印。能滅十惡五逆一切重罪。成就一切白法
功德。作此法不簡在家出家。若在家，人，飲
酒食肉。有妻子。不簡淨穢。但依我法。無
不成就。第一壇法。第二念誦法，第三成驗

法。第四廣明自在法。第五天得大神足。

第一壇法 佛言。若求成就。先作壇法。不同諸部廣修供養。掘地作壇香泥塗之所建立。但以一新淨鏡未曾用者，於佛像前，月十五日，夜，隨力供養。燒安悉香及清淨水。先當靜心，無所思惟。然後結印誦咒。咒鏡一百八遍。以囊匣盛鏡。常持相隨。欲誦但將此鏡置於面前。結印誦咒。依鏡爲壇，卽得成就。

第二念誦法 佛言。欲持此法，於十五日夜

，清淨沐浴。著新淨衣。面向東方。半跏正坐。置鏡在前。隨力香華清淨水諸物。先當靜心絕思。然後結印印於心上。誦此咒一百八遍。持此咒時。能使短命者長命。加摩羅病，尙得除差。何況餘病。若不消差。無有是處。每月一日，八日，十四日，十五日，十八日，二十三日，二十四日，二十八日，二十九日，三十日。如是十日。每於平明，清水漱口。面向東方。誦此咒一百八遍。然後飲食。縱有妻子。不斷辛肉。亦當成驗。

第三成驗法。每月十八日，以鏡及以結印念誦。除十齋日不須對鏡及以結印。但於平朝未辛肉時，誦持此咒一百八徧已。如是不絕四十九日。每有善惡吉祥災變。准提菩薩，令二聖者隨其人。所有善惡心之事。咒七徧。洗面灑身。心想作歡喜想。能令國王大臣長者生恭敬心。見卽歡喜，如臣敬君。如父愛子。心隨其所欲。乃至身命。皆無所惜。悉得成就。若有短命長病衆生。月十五日，夜曉燒安悉香。誦此眞言一千徧。魔鬼失心。

狂走。狐禽惡鬼，皆於鏡中現形。教殺卽殺。教放卽放。更不再來。增壽無量。若復有人。無福無相。求官無遷。貧苦所逼。每十齊日常誦此咒，能令現世得轉輪王位。所求官克當稱遂。若人欲行及欲作事。先當思惟准提聖者。心念此咒。具滿七徧。若可營爲。端身少頃。其身自然搖動。卽知克遂，及以吉慶。若身剛強。向前向後。卽知不遂。必有災難。若欲召四天王梵王帝釋二十八部天波旬等，對鏡結印，頭指來去。於清淨

處，高聲誦二十一遍。賢聖閻羅王鬼衆，隨請必至，不敢前却。所有驅使，隨情皆得。若欲知此法成與不成，具滿七遍。依法誦咒，夢中見佛菩薩。及以華菓。口吐黑物。復吃白物。卽知成就。

第四廣明自在法。佛言。此陀羅尼有大勢力。移須彌山及大海水。咒乾枯木能生花菓。若常誦持，水不能溺。火不能燒。毒藥刀兵。怨病皆不能害。若知地中有寶藏物。結印誦咒。具滿七遍。地中伏藏自然涌出。隨意所

欲。皆得充足。軍陳賊難，結印印指之。隨所皆悉退散。若有卒爲鬼神傷死。結印誦咒七遍。以印印心。卒死重病，卽令却活。宅舍不安，鬼神作禍。咒土四塊鎮之，卽去。若又有人。六親不和。人不愛念，依法誦咒。所向和合。聞名見身，皆生歡喜。欲不捨離。猛火之中，以印指火，火卽消滅。以印指水。波浪皆靜。如所求願，無不稱遂。何況更能結印齊戒，依法持誦。不轉肉身，往四方淨土。

第五天得大神足。若求長生及勅諸仙取其仙藥。於古塔前，及深山中。或淨房內。依鏡爲壇。具滿七日。或三七日。燒青蓮花和安悉香。於初夜分誦咒一百八遍。卽當睡眠。或於夜中食仙藥。或攝方法。或於鏡前面有五色光。光中有藥。隨意食之。卽成仙道。諸餘功力，百千萬億。說不能盡。

准提別法

先以左手頭指無名指小指三指在於掌中。以大母指捻頭指無名指小指甲上。右手亦然。